

吳稚暉先生鑒定

中華民國
再造史

章炳麟署

民權出版部發行

中華民國六年四月二十日初版



鑒定者 吳敬恆

編纂者 游梅原

參校者 張冥飛

發行者 民權出版部

印刷者 中國圖書公司印刷所

分售處 各省各大書坊

中華民國再造史

定價大洋七角

中華民國再造史序

游悔原先生輯再造史成。冥飛受而讀之。補其缺略。附以評斷。既卒業。乃序之曰。古稱良史有三長。所謂才學識者是也。故以無才無學無識之人。而欲論次一代之事實。雖不得爲良。要亦不失其爲史。史莫古於尙書。而前徒倒戈。血流漂杵之文。見譏於孟子。史莫高於史記。而太史公以下蠶室故。對於武帝。嘗有微詞。則亦不免謗書之嫌。是以古今各史。紀事而已。其足以良稱者。蓋尠。苟不至如魏收之穢史。顛倒是非黑白者。已爲難能而可貴。而況能以才學識繩之耶。今之再造史。所論次者。皆近今人人耳目中之所有。雖欲顛倒是非黑白。而有所不能。故以無才無學無識若悔原與冥飛者。而編纂而參訂之。不獨不足以爲良也。而並不足以爲穢。讀者苟悅其不穢而恕其不良。則此之所論次者。亦千古不可磨滅之公論也。已。中華民國六年四月長沙張冥飛。

例言

一本書自袁世凱謀叛民國自稱皇帝民國斬焉中絕之時爲始至國會重開共和確實復活之時爲止故名再造史

一本書分章撰述所臚列之事實務求詳盡故於記載時日不免有先後凌躐之處閱者諒之

一本書蒐輯材料務求完備故於當時公私函牘中外報章多所採取又參以見聞知及諮詢所至稍加論列故與他書記載多不同之點

一本書對於社會民生所受戰事影響最爲注意是者是之非者非之一本良心上之主張不敢稍有成見

中華民國五年十二月游悔原識

中華民國再造史

總論

冥飛

民國承清季之敝。民窮財盡。國力衰弱。建設之難。莫可方喻。而袁世凱氏乃於此時。挾總統之權力。厲行半開明專制之政策。繼乃叛國稱帝。揮斥金錢。不可計數。俾吾人民窮困顛連之餘。增加擔負。尤復勢迫利誘。強人以寡廉鮮恥。剝奪人民之人格。此種罪惡。桀紂之所無。抑亦操莽之所不屑。流毒至今。吾人民迄不得小休。蓋國家之元氣。爲袁世凱一人剝喪盡矣。

不謂共和復活以來。不獨無人敢議其後。而且盛稱其生前功績。以諒其人。并隆厚其飾。終典禮以媚其鬼。是其生而無益於民國。死而遺害於人民。轉得受民國之優禮。如此是獎叛也。而尤而效之者。將繼起而未有已。

如謂袁氏死矣。其罪惡卽隨之而消滅。無庸訾及死人。且以安反側子之心也。此說似是而實非。試問袁之稅政。其蠹國而病民者。何嘗隨袁氏之死而消滅。人民至今受其

荼毒而袁氏遂可以一死卸責人又何所忌憚而不爲袁氏者至反側子之在今日擁兵自衛者誠不乏人投鼠固應忌器然此種藩鎮部落之行爲豈能苟容於平民政治之下敷衍日深則爲害益烈將來袁世凱第二者之出現必由若輩所擁戴而來蓋可知也豈得以追廢袁氏與議削六國激之使反者相提並論耶

故吾由優禮已死之袁氏之舉動而推測之乃不勝其慄慄危懼政潮變幻至不可測將來時移事異我所謂袁氏之罪惡人且以爲莫大之勛勞事變之來固非意料所能及也則是今日之日我輩猶得輯此民國再造史以稍稍論列袁氏之罪惡實爲不可多得之光陰故我將發揮我之見解於此

我咎袁氏則必先歸咎於辛亥革命蓋袁氏之所以敢於爲惡者實辛亥革命過於草率之故古來歷代改革之際必有一番大殺戮以洗政治及社會之罪惡辛亥革命無是也貳臣傳中人物曾未有秉國之鈞者蓋使亡國大夫不得以其病民蠹國之手段爲開國者梗也辛亥革命則又不然壬子以來亡國大夫什九活動於政界於是前清

政治之罪惡。由官僚者之身傳染。遍於民國。袁世凱則具有全身法打之官僚首領也。一方面敷衍民黨。一方面安置私人。根柢深固。乃惟所欲爲矣。向使民黨貫徹其主張。清室亦竭盡其餘力。血肉相搏。以爭最後之勝負。則此類全軀保妻子之官僚。必也逃遁一空。不復能出現。而民黨中亦必磨練出許多好男子。而附庸民黨以規取箇人之利益者。亦決不敢以生命嘗試。無由廁足於民黨中也。

清季政以賄成。官僚自視爲刀俎。其視小百姓爲魚肉者久矣。一旦忽革專制。爲共和易席。豐履厚之公。祖父台而爲公僕。此官僚之所最腐心切齒於民黨者也。誰爲爲之。孰令致之。官僚於此。其與民黨勢不兩立也。必矣。然而官僚者。有閱歷有經驗之徒也。雖有深讎積怨於民黨。必不狼狽然現之詞色。且必日舉國利民福之說。以間執人口。且以之責備民黨之舉動。荒謬者辛亥革命而既草率矣。革命之眞實精神。不見。故民黨分子甚雜。雜則不肖者多。舉動荒謬。遂時時有之。官僚者遂利用此民黨不肖者。荒謬之點播而揚之。使民黨盡失其信用。然後一舉而撲滅之。此癸丑民黨之所以失敗。

者皆由於壬子一年以來。民黨黨員太無擇別。以致憑借黨勢爲害鄉里。害馬敗羣。遂爲處心積慮之官僚所乘。而一敗塗地。官僚既無有對抗者。遂得威福自專。無所不爲。而突現其本來面目。袁世凱於是利用官僚者之黨心利祿也。又以爲民黨特工於暴動耳。莫予能毒也。遂急欲遂其帝制自爲之野心。

民黨之不能無不肖分子也。猶之官僚之不能無賢達分子也。惟近世之眼光。對於民黨則責之甚苛。對於官僚則論之甚恕。故民黨之全體可以因三數不肖者而一。概抹殺之。而官僚則以有經驗三個大字。遂足以涵蓋一切之罪惡。蓋官僚之罪惡已成爲一種習慣。見聞已熟。人遂不甚注意。又其罪惡無不以陰險狠毒出之。欲知其詳發其覆。乃至不易。若民黨則爲近日之新人物。新人物自不當有不規則之舉動。又民黨中不肖者之行爲。無不叫囂鬩突。共見共聞。故民黨最足以刺目而爲叢矢之的。平心論之。民黨中之不肖者。誠多而有罪。而賢達之民黨亦不得謂絕無其人。官僚不肖者不足道。卽賢達官僚其陳舊之頭腦。究不宜於

今。後。之。平。民。政。治。也。

加之辛亥革命。所標揭之職志。種族之意味。多。政治之意味。少。在當時。以多數人民不解（政治爲何物）及（政治與己身關係之利害若何）之故。不得不以滿漢不平等之現象。與歷史以激起多數人民之公憤。譁然羣起而覆清。其成功也太易。以致人有倖心。以爲滿族既覆。卽已國利民福矣。其對於改良政治。不甚措意。官僚者遂擣虛抵隙而來。盡取滿清時之敝政。而一一復之。處心積慮。務以剷除異己之民黨爲事。夫滿清政治之濁亂。卽若輩官僚之所爲。則無惑乎共和其名。而（夠不上開明專制）之（半開明專制）。其實於是釀而成癸丑民黨與官僚之大激戰。其時多數人民以爲革命之後。政治仍不良。好不深察其爲。換湯不換藥之官僚所爲。而轉歸罪於革命。傾心以向官僚。於是官僚之結果。爲大獲勝利。野心之袁氏。遂以爲民黨之技倆。不過爾爾。益自信其能力。足以左右天下。又何必不帝制自爲。於是乎民選之皇帝。乃出現於共和之國。

乃者民國再造。官僚民黨之競爭。又開始矣。但民黨年來所受之教訓。不一而足。貧賤憂患切於身。罵譏笑侮騰於人。彼不肖者欲附庸之以規取利益。已爲不可能之事。則官僚者欲利用不肖者之荒謬舉動。以根本剷除異己之民黨。則非處心積慮遲之又久。以觀釁焉。亦不可能也。則今民國之中。猶得有民黨焉。以立於官僚對抗之地位。則官僚其或猶有些微之忌憚。而不致有袁世凱第二者之出現乎。然而不敢必也。何者。官僚者最適於今世之生存者也。詈之曰腐敗。則解之曰有經驗。責之曰不負責任。則解之曰維持現狀。不得不然。若夫民黨也者。雖亦敬之曰偉人。尊之曰元勛。一旦官僚之勢力足以制民黨者。但以亂黨暴徒種種字樣加之。足以了卻民黨矣。故今後之民國。有官僚政治而已。平民政治無從而發現也。故我之所慮者。官僚之穢德日益彰聞。平民之權利日被侵奪。於是官僚政治乃趨於極軌。雖不必有袁世凱第二者。其人出現而袁世凱所厲行之半開明專制。則盡恢復矣。於是乎共和國體乃名存而實亡。其極也。乃必至於民不聊生。土崩瓦解。爲強國所乘。使中國二字永遠絕滅於地球之上。

豈不哀哉。嗚呼。民國再造。則誠再造矣。所願爲國者。當顧民國之名。而思其義。凡我人民。亦毋使民國二字。消滅於腦筋中。以爲國與我毫無關係也。則庶幾無亡國破家之慘乎。而不然者。則此中華民國也。我誠不敢。知其。在。歷。史。上。能。佔。有。幾。何。日。月。也。凡我人民。其念之哉。其念之哉。



中華民國再造史目次

總論

第一編 中華帝國實現（民國中斷）時期

第一章 總統袁世凱叛國稱帝

第二章 駐華外交團對於帝制之警告

第三章 帝制之反動力與革命動機

第四章 袁世凱之防亂手段

第二編 雲南軍政府繼承民國時期

第一章 雲南獨立公推唐繼堯爲都督舉兵討袁

第二章 袁君臣詭謀抗義

第三章 雲南軍政府之組織與洪憲紀元

第四章 袁政府軍事計劃與袁軍不法

第五章 周賈國使自齊使日日人拒之

第六章 新華宮暗殺案

第七章 廣東綏遠之不靖與雲南護國軍克復敘州

第八章 貴州獨立與護國軍之發展

第九章 袁世凱查辦滇黔

第十章 蔣雁行監視馮國璋

第十一章 袁世凱猜防將士與其窮兵黷武

第十二章 帝制延期

第十三章 川湘間南北軍之兵力與戰局

第十四章 洪憲內國公債之發行

第十五章 龍觀光投誠

第十六章 廣西獨立舉陸榮廷爲都督

第十七章 護國軍軍勢復振

第十八章 袁世凱撤銷帝制之原因與其困難

第十九章 袁世凱燬滅逆證與參政院臨時會議

第二十章 徐世昌代袁乞和謀僭總統護國軍拒之

第二十一章 川湘停戰與龍濟光奉命獨立

第二十二章 海珠會議顏啓漢行兇

第二十三章 浙江獨立舉屈映光爲都督屈態度不明

第二十四章 馮國璋嚴守中立調停和議

第二十五章 護國軍聯合軍政府宣告總統缺位當以副總統黎元洪繼任

第二十六章 段祺瑞繼徐世昌爲國務卿組成帝黨內閣

第二十七章 劉冠雄統率海陸軍寇閩

第二十八章 桂粵聯合設立兩廣都司令部於肇慶舉岑春煊任都司令

第二十九章 浙江都督屈映光辭職呂公望繼之

第三編 軍務院代表民國政府時期

第一章 軍務院成立與其職權

第二章 段祺瑞以閣令停止中交兩銀行兌現

第三章 陳樹藩舉義三原陸建章出走陝西獨立

第四章 南京會議之內幕與其結果

第五章 革黨首領陳其美被刺

第六章 山東民軍起靳雲鵬勸袁退位袁奪其官

第七章 陳宦湯薌銘相繼獨立

第八章 袁世凱死副總統黎元洪正式就大總統職於北京

第九章 張勳組織徐州會議七省同盟

第十章 陝西都督陳樹藩以取消獨立媚中央軍務院爲最終之宣言以定國

是

第十一章 段祺瑞不肯復舊約法上海海軍脅以獨立

第十二章 總統黎元洪以明令恢復約法召集國會

第十三章 段祺瑞組織共和內閣及其政績

第十四章 肇慶軍務院讓歸政權於北京政府南北統一

第十五章 川湘粵魯四省之紛擾及其善後

第十六章 國會重開民國再造

結 論